

Na osnovu člana 16. Zakona o kantonalnoj agenciji za privatizaciju ("Sl. novine TK", broj 3/97, 5/04 i 3/05), člana 31. Statuta Kantonalne agencije za privatizaciju ("Sl. novine TK, broj 5/12), člana 7. Pravilnika o unutrašnjoj organizaciji i sistematizaciji radnih mjesta Kantonalne agencije za privatizaciju TK broj 03-1681/2008 od 24.12.2008. godine, Odluke o davanju saglasnosti Vlade Tuzlanskog antona, broj 02/1-34-21789/16 od 27.09.2016. godine i Odluke o raspisivanju konkursa i utvrđivanja teksta konkursa broj 01-410/2016 od 03.10.2016. godine, direktor Kantonalne agencije za privatizaciju raspisuje

K O N K U R S

za prijem u radni odnos na neodređeno vrijeme

SAVJETNIK DIREKTORA 1 izvršilac

1. Opis pozicije savjetnika direktora Kantonalne agencije za privatizaciju:

obavlja konsultantske i operativne poslove iz djelokruga rada, po ovlaštenju direktora kontaktira i komunicira sa medijima i javnošću, koordinira i usklađuje informacije svih sektora u Kantonalnoj agenciji za privatizaciju namjenjene za prezentiranje javnosti, obavlja i druge poslove po nalogu neposrednog rukovodioca.

2. Opći uvjeti koje kandidati trebaju ispunjavati:

da su državljani Bosne i Hercegovine,
da su stariji od 18 godina, ali ne stariji od 65 godina,
da su zdravstveno sposobni za obavljanje poslova na koje se kandidiraju,
da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije,
da nisu osuđivani za krivično djelo,
da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti,
da nisu pod optužnicom Međunarodnog suda za ratne zločine u bivšoj Jugoslaviji (član IX. 1. Ustava BiH),
da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u FBiH („Sl. novine FBiH“, broj 70/08).

3. Pored općih uslova kandidati treba da ispunjavaju i posebne uslove:

da imaju visoku stručnu spremu društvenog ili tehničkog smjera, VII stepen, 240 ETCS bodova,
najmanje 5 godina radnog iskustva stečenog nakon sticanja stepena obrazovanja,
da imaju položen stručno upravni ispit za rad u organima uprave,
da nisu članovi upravnog, izvršnog ili drugog organa političke stranke,
da nemaju privatni finansijski interes u Kantonalnoj agenciji za privatizaciju,
da nisu dioničar sa 50% i više dionica, direktor ili član uprave bilo kojeg dioničkog društva, kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću.

4. Za sve kandidate koji u potpunosti ispunjavaju opće i posebne uslove iz ovog oglasa u postupku konačnog izbora uzet će se u obzir i slijedeći kriteriji:

komunikativne i organizacijske sposobnosti,
minimum znanja o organizaciji i djelatnosti Agencije,
sposobnost savjesnog i odgovornog obavljanja poslova savjetnika direktora,
naklonjenost timskom radu,
rezultati rada tokom karijere.

Uz prijavu kandidati su dužni priložiti:

biografiju, adresu i kontakt telefon,
uvjerenje o državljanstvu (ne starije od šest mjeseci)
Izvod iz matične knjige rođenih (ne stariji od šest mjeseci),
ukoliko je kandidat bio zaposlen ili je još zaposlen u državnoj službi, o ispunjavanju uvjeta iz tačke 2. alineja 4. dostavlja uvjerenje/potvrdu. Oni koji nisu radili u državnoj službi kao dokaz prilažu izjavu ovjerenu kod nadležnog općinskog organa ili notara ,
izjavu da nije osuđivan za krivično djelo i privredni prestup koji predstavljaju smetnje za obavljanje poslova radnog mjesta na koje aplicira, u periodu od 5 godina prije objavljivanja ovog konkursa, ovjerenu kod nadležnog općinskog organa ili notara,
izjavu da mu odlukom suda nije zabranjeno obavljanje poslova radnog mjesta na koje aplicira, ovjerenu kod nadležnog općinskog organa ili notara,
izjavu da nije podignuta optužnica Međunarodnog suda za ratne zločine u bivšoj Jugoslaviji, ovjerenu kod nadležnog općinskog organa ili notara,
ovjerenu kopiju diplome o završenoj stručnoj spremi,
uvjerenje o radnom iskustvu,
uvjerenje o položenom stručno upravnom ispitu za rad u organima uprave,
izjave kandidata o ispunjavanju uslova iz tačke 3. alineja 4, 5 i 6 ovog konkursa, ovjerene kod nadležnog općinskog organa ili notara,
izjavu kandidata da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u FBiH ("Službene novine FBiH", broj 70/08), ovjerenu kod nadležnog općinskog organa ili notara.

Sa izabranim kandidatom po ovom konkursu zaključit će se ugovor o radu na neodređeno vrijeme uz probni rad od 3 mjeseca.

Izabrani kandidat će biti dužan nakon imenovanja na poziciju savjetnika direktora Kantonalne agencije za privatizaciju dostaviti uvjerenje o zdravstvenoj sposobnosti za obavljanje posla (ne starije od tri mjeseca).

Dokumenti koji se prilažu uz prijavu na konkurs, moraju biti originali ili ovjerene kopije i ne starije od šest mjeseci a izjave ovjerene kod nadležnog općinskog organa ili notara.

Prijavu sa dokazima o ispunjavanju navedenih uvjeta potrebno je dostaviti u roku od 15 dana od dana objavljivanja konkursa u dnevnim novinama „Oslobođenje“.

Prijave za konkurs sa potrebnom dokumentacijom dostaviti lično ili poštom preporučeno na adresu:

Kantonalna agencija za privatizaciju Tuzla, Ul. Soli, broj 2, 75 000 Tuzla sa naznakom:

“za konkurs”.

Kandidati koji uđu u uži izbor bit će pozvani na intervju.

Nepotpune i neblagovremene prijave neće se razmatrati.